



# ХАВАР

Ўзбекистон Республикаси Алоқа Вазирлиги нашри

1992 йил мартдан чиқа бошлаган • 1997 йил, 27 июнь № 26 (254)

Сотувда нархи эркин

• 27-июнь Матбуот ва оммавий ахборот воситалари ходимлари кўни

## МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА

Кадрли дўстлар!  
Хурматли журналистлар!  
Сизларни матбуот ва оммавий ахборот воситалари ходимлари кўни муносабати билан чин юракдан муборакбод этаман!

Журналист деганда халқимиз кўз ўнгига элу юрт қувонч ва ташвишларига шерик, доимо янгиликлар изидан юрвчи беҳаловат инсон намоён бўлади. Шу боис одамлар матбуотга, радио ва телевидениега катта умид билан қарадилар, кўнгилларини очдилар, уларни ҳаётда энг зарур, энг содиқ дўст-ҳамроҳ сифатида қадрлайдилар.

Дарҳақиқат, ҳаётимизнинг барча жаҳалларида ислохотларни изчил амалга ошириш, айниқса, жамиятни демократлаштиришда матбуотнинг ўрни бекиёс. Келажаги буюк давлат барпо этишга қаратилган энг мақсадларни рўйбга чиқариш, истиқлол руҳига мос янгича тафаккур тарзини шакллантириш,

умуминсоний кадриятларни қарор топтириш, халқимиз маънавиятини бойитиш соҳасидаги хайрли ишларда сиз, калам аҳлининг муносиб хизматингиз бор.

Шуни алоҳида таъкидлаш кераки, Ўзбекистон тарихида илгари ҳеч қачон оммавий ахборот воситалари ходимлари зиммасига ҳозиргидек шарафли ва масъулиятли вазифа юкланмаган. Ҳеч бир замонда оммавий ахборот воситаларига ҳозиргидек эътибор ва рағбат кўрсатилмаган. Негаки, матбуот ҳеч бир замонда мустақил давридагидек чинакам миллийлик касб этмаган. Илгари у мустабид тузумнинг халқимиз табиғатида ёт ҳукмрон гоёсини тарғиб қилишга маҳкум эди. Бугун ўзбек матбуоти, энг аввало, мустақил мамлакатимиз ва инсон манфаатларининг химоячиси, давлат ва жамият ўртасида ҳолис воситачи сифатида фаолият юритмоқда. Бу жараён ҳар бир журналистдан янада жасур ва фидойи, фаол ва ҳозиржавоб бўлишни, воқеалар

қозонида қайнашни, ижодий маҳоратини узлуксиз ошириб боришни тақозо этади.

Ишончим комилки, захматқаш журналистларимиз яратилган ижтимоий-сиёсий, маънавий-ҳуқуқий шарт-шароитлардан самарали фойдаландилар, демократик ўзгаришларга турлича қарашларни эркин ва ҳаққоний ифодалаш орқали ўзбек журналистикаси нуфузини жаҳон андозалари даражасига кўтардилар.

Сизларни, жумладан, барча матбаачиларни, босмаҳона ишчи-хизматчиларини касб байрамингиз - миллий матбуот кўни билан яна бир бор кутлар эканман, ҳар бирингизга овоз ва обод мамлакатимиз равнақи йўлидаги фаолиятингизда муваффақият, куч-ғайрат, соғлиқ-саломатлик тилайман!

Ислом КАРИМОВ,  
Ўзбекистон  
Республикаси Президенти.

## МАДҲИЯМИЗ ЯНГРАГАНДА

Уйимиздаги радио мунтазам ишлаб турибди. Бунинг учун қишлоғимиз радиомантурлари — Жўра Мейлиев, Сойил Исаев ҳамда Абулфайзи Жўраевларга уз миннатдорчилигимни билдираман. Барака топгурлар вази-фасига доимо содиқ. Тез-тез хонадонимизга келиб, «Радио айтиб турибдими, бобо» деб сураб кетишади.

Мана олти йилдирки, радио орқали ҳар кўни тонг палласи миллий мадҳиямизни тинглаймиз. Ростини айтсам, у янграганда дилдан яйрайман. Чунки мадҳиямиз мустақил юртимизда тинчлик барқарор бўлиб турганидан хабардор этади. Ўз навбатида тирикчилик учун эртарақ отланишга даъват этади.

Кейинги пайтда мамлакатимиз Президенти И.А. Қаринов қабулидаги ва сафардаги учрашувлари радио орқали ўз вақтида бериб бериляпти. Бунинг мен бир фахрий сифатида қўллаб-қувватлайман. Шундай чоғда радио хизмати қўл келади. Юртбошимизнинг шу йил 10 май кўни Сурхондарёга сафари ҳақидаги хабарни шахсан мен радио орқали эшитдим. Бу ташриф давомида жуда яхши гаплар бўлди.

Хуллас, биз — зарбоғликлар радионинг хизматидан мамнунмиз.

Диллабобо РАҲИМОВ,  
уруш ва меҳнат  
фахрийси, Шеробод  
туманидаги «Кўхитанг»  
жамоа хўжалиги

## ҲАМКОРЛИК ДАВОМ ЭТАДИ

Жорий йилнинг май ойи охирида Германиянинг «Алкател СЕЛ» фирмаси вакиллари Наманган вилояти давлат электралоқа ишлаб чиқариш корхонасининг таклифига биноан Наманган шаҳрига келди. «Алкател СЕЛ» фирмасининг бош менежери жаноб Ф. Герлах, мутахассислар Д. Шоварте, Ф. Хётцеллар билан бўлган музокараларда бир қатор масалалар ўз амалий ечимини топди. Жумладан, Камчик доволани телефонлаштириш масаласи кўрилди. Бу борада тайёрланган лойиҳа амалга оширилса,

Фарғона водийси билан Тошкент вилоятини боғловчи Камчик доволани энг замонавий телефон алоқаси билан таъминланади.

Шунингдек, Наманган вилояти ва шаҳрида алоқа телекоммуникациясини ривожлантириш ҳамда такомиллаштириш масалалари ўрганилиб, энг янги русумдаги алоқа ускуналарини қўллаш, шунингдек кабеллардан фойдаланиш, қишлоқ жойларда ишлатилаётган кичик станцияларни радио тизими-риш бўйича режалар тузилди.

Музокараларда Андижон ва Фарғона вилояти давлат электралоқа ишлаб чиқариш корхоналарининг раҳбарлари ҳам қатнашдилар. Учрашув якунида «Алкател СЕЛ» фирмаси вакиллари вилоят ҳокими Т. Жабборов қабулида бўлишиб, келгусида ҳамкорликни яна давом эттириш бўйича келишиб олдилар.

Олимжон РАҲМАТОВ,  
Наманган вилояти  
давлат  
электралоқа ишлаб  
чиқариш  
корхонасининг бош  
муҳандиси

Учкўприк туманида «Хабар» газетаси мухлислари сафи тобора кенгайиб бормоқда. 1997 йилнинг иккинчи ярми учун туманда «Хабар»

мақолалар, ранг-баранг хабарлар билан танишиб бориш мен учун мароқли. Йил бошида алоқачилар газетасига обуна бўлолма-

## МУШТАРИЙЛАРИМИЗ КЎПАЙМОҚДА

бар»га обуна бўлганлар сони 46 тага кўпайди.

— Йил бошида «Хабар»га олти ойга ёзилган эдим, — дейди Рўзиматжон Қодиров. — Мана, иккинчи ярим йилда ҳам газетани ўқийдиган бўлдим. Газета саҳифаларида босилаётган

ган Носиржон Хидиров ва Алижон Мамадалиевлар ҳам иккинчи ярим йилда «Хабар»ни ўқийдиган бўлишди.

Қаюмжон ТУРСУНОВ,  
жамоатчи муҳбиримиз

• Давлатимиз раҳбари Ислом Каримовнинг «Ўзбекистон XXI аср бўёғасида: хавфсизликка таҳдид, барқарорлик шартлари ва тараққиёт кафолатлари» номи китобининг нашр этилиши жамиятимиз ижтимоий-сиёсий ҳаётида муҳим воқеа бўлди. Жойларда ушбу китоб муҳокамасига бағишланган йиғилишлар бўлиб ўтаётти. Шундай йиғилишлар Қашқадарё, Хоразм вилоятлари ва шунингдек Тошкент шаҳар ҳокимликларида ўтказилди.

• Ўзбекистон Олий ва ўрта махсус таълим вазирлигида республика иқтидорли ёш

## ОЛАМДА НИМА ГАП?

- Янгиликлар - Воқеалар - Хабарлар

олимлари ва толиби илмларининг илмий-амалий конференцияси бўлди.

• Жиззахда ҳуқуқ-тартибот органларининг раҳбарлари, ҳуқуқшунослар ва тадбиркорлар иштирокида «Ўзбекистон Республикаси Фуқаролик-процессуал кодекси» ва «Ўзбекистон Республикаси Хўжалик-процессуал кодекси» лойиҳаларининг муҳокамасига бағишланган йиғилиш бўлиб ўтди.

• Москвада ҳайкалтарош З. Церетелининг Хотира ва мотам

кўнига бағишланган «Халқлар фожiasi» ёдгорлиги очилди.

• Минскда «Белорус халқ фронти» партиясининг бешиқчи курултойи ўтказилди.

• Догистонда газ ҳақини ўз вақтида тўламаган корхоналарга ёқилги етказиб бериш тўхатилди.

• Парижда Ўзбекистон Республикаси таъқиқоти фаолият миллий банки ва Франциядаги етакчи банклардан бири «Сосьете Женераль» ўртасида Тошкентда

ҳамкорликдаги банк ташкил этиш бўйича битим имзоланди.

• Пекинда ҚХДР ва Жанубий Корея Қизил хоч жамиятларининг музокаралари якунланди. Музокаралар натижасига кўра, Жанубий Корея ўзининг шимолдаги қўшнисига 8 миллион АҚШ доллари миқдорига озиқ-овқат маҳсулотини юборди.

• Ҳиндистон билан Покистон тинчлик музокаралари дастури бўйича битимга эришилди. Бундай музока-

раларни шу йилнинг кузига бошлаш режалаштирилди.

• Европа Иттифоқи ҳудудида коидабўзар ҳайдовчиларни жавобгарликка тортишнинг янги тартиби жорий этиладиган бўлди. Бундан кейин Европа Иттифоқида аъзо ўн беш мамлакат ҳайдовчилари ҳам қай бир давлатда йўл ҳаракати коидаси бузилганидан қатъий назар, жарима тўлайдилар.

• Американинг Денвер шаҳрида «Катта еттилик» ва Россия раҳбарларининг навбатдаги учрашуви ниҳоятга етди. Унда кенгайтирилган баёнот қабул қилинди.

**Беқобод шаҳар почта алоқа тармоғида олиб борилаётган ишлар аҳолига намунали почта хизмати кўрсатишга, одамлар оғирини енгил қилишга қаратилгандир. Тармоқ бошлиғи Дилбар Қосимовна САТТОРОВА жамоада амалга оширилаётган ишлар ҳақида куйидагиларни сўзлаб берди:**

— Жамоамиз олдида қандай режалар қўйган бўлса, босқичма-босқич ўз мақсадига эришиб келмоқда. Чунки ходимларнинг имкониятлари ҳисобга олиниб, жой-жойига танлаб қўйилиб, Қолаверса, бизда сергайрат, ўз ишига сидқидилдан ёндошадиган мутахассис ёшларимиз таллагина. Тармоғимизнинг шаҳар бўйича 13 та бўлими бўлиб, беқободликларга намунали почта хизмати кўрсатишмоқда. Ҳозиргача биронта бўлимнинг ёмон ишлагани ҳақида аҳолидан шикоят хатлари олганимиз йўқ. Чунки намунали хизмат кўрсатиш чора-тадбирларини доимо ўз вақтида белгилаб борамиз. Аҳолидан электр қуввати, телефон, радионуқталардан фойдаланганлик учун тўлов

туланмоқда.

Бир кеча-кундузда республикамизнинг турли бурчакларига 215—220 тагача хат-хабарлар, шунингдек, Ҳамдустлик давлатлариغا 5-6 тадан жўнатмалар юборилди. Кейинги пайтда корхона-

## ҲАММА ГАП ИЗЛАНИШДА...

ҳақларини қабул қилиш яхши йўлга қўйилган. Турли хат-хабарлар, газета-журналлар ҳам эгаларига ўз вақтида етказилмоқда. Бу борада назоратчи Зинаида Абдулина, 6, 14, 16-алоқа бўлими бошлиқлари Светлана Батурина, Норгул Расулова, Валентина Маҳмудова, 7-алоқа бўлимида Турдимурод Зулланов, 5-алоқа бўлими почтачиси Режимгул Гуломовалар жонбозлик қилишмоқда.

Тармоқ ходимларининг ур-тача иш ҳақи 1680 сўмни ташкил этади. Бундан ташқари уларга ҳар ойда 40 фоиздан мукофот пуллари, 900 сўмдан овқат пули, йўлқира-

мизнинг иқтисодий аҳолини яхшилашда ҳам талайгина ишларни амалга оширдик. Утган йили ноанъанавий хизмат турлари ва обунадан тушган даромад ҳисобига «Дамас» автомобили сотиб олдик. Бу эса аҳолига хизмат кўрсатишдаги сарф-харажатларни кескин камайтирди. Авваллари «Сарбон» автокорхонасидан машинани ижарага олардик. Ҳар ойда бир машина учун 98 минг сўм туларди. Ҳозир эса харажатларимиз 35 минг сўмдан ошмаяпти.

Ютуқлар билан бирга муаммолар ҳам йўқ эмас. Шаҳар бўйича 11200 нафар на-

фақачиларга, ёрдам пули олувчиларга ўз вақтида пулларини етказамиз. Лекин шу ўринда бир муаммо пайдо бўляпти. Нафақачиларга ажратилган 2 миллионга яқин пуллар бира-тула почта тармоғимизга келиб тушади. Мазкур пулларни бизда сақлашнинг имкони йўқ. Почтачиларимизнинг 150-200 минг сўм пулларни ўз уйларига олиб бориши ёки кўчаларда олиб юриши хавфли ҳисобланади. Шу боисдан уларни керагича муҳофаза қилиш чораларини қўряпмиз. Ишончли темир сандиқлар сотиб олишнинг режалаштирдик. Уйлайманки, бу муаммо ҳам яқин кунларда ўз ечимини топади.

Ҳамма гап изланишда, сидқидилдан самарали меҳнат қилишдадир. Кимки меҳнат қилишдан қўрқмаса, халқ хизматида камарбаста бўлса, одамлар ишончини қозонаверади.

**Сўхбатни Солижон ЗОИРОВ ёзиб олди**

## ЯНГИ МАРКА

«Ўзбекистон маркаси» нашриёт маркази томонидан «Абдулҳамид Сулаймон ўғли Чўлпон тававалудининг 100 йиллиги»га бағишланган почта маркаси муомалага чиқарилди.

ABDULHAMID SULAYMON  
o'g'li CHOLPON



1997 ПОЧТА 600  
O'ZBEKISTON

Абдулҳамид Сулаймон ўғли Чўлпон (1897-1938) буюк ўзбек шоири, ёзувчи, драматург, олим ва жамоат арбобидир. 20-йиллар ўзбек шеърятининг Чўлпонининг жуда катта хизматлари бор. У Ватан озодлиги, эрк, мустақиллик гояларини баланд овоз билан кўйлади, замондошларини эркин ва хур яшашга чорлади. Чўлпоннинг «Булоқлар», «Уйғониш», «Тонг сирлари», «Соз» шеърый тўпламлари, «Кеча ва кундуз» романи, «Ёрқиний» шеърый драматси, «Уртоқ Қаршибоев», «Хужум» драмалари, ўнлаб ҳикоялари ҳамда адабий-танқидий, публицистик мақолалари ўзбек адабиётини жаҳонга танитишда муҳим роль ўйнади.

Чўлпон моҳир таржимон ҳам ҳисобланади. У В. Шекспирнинг «Ҳамлет» трагедиясини, А. С. Пушкин, Р. Тагор, Г. Гейне шеърларини, бир қатор ёзувчиларнинг насрий асарларини катта маҳорат билан ўзбек тилига таржима қилган. Адиб айни камолот ёшида шахсга сиғиниш қурбони бўлди.

Почта маркасида шоир ва ёзувчи, драматург, олим, жамоат арбоби Абдулҳамид Сулаймон ўғли Чўлпон портрети тасвирланган. Марка икки хил рангдан иборат. Нархи 6-00 сўм. Катталиги 26x37 мм.

Тошкент вилояти давлат электралоқа ишлаб чиқариш корхонаси Беқобод шаҳар электралоқа тармоғи бошлиғи Комил Аҳмедович Аҳмедовга волидаи муҳтарамаси **БОЗОРГУЛ** аянинг вафоти муносабати билан чўқур таъзия изҳор этади.

**Бухоро шаҳридан чиқиб, бор-йўғи тўрт километрлар чамаси йўл юрган ҳам эдикки, ҳамроҳим — вилоят давлат электралоқа корхонаси бошлиғининг ёрдамчиси Пўлат ака Ҳайдаров «Меҳмон бир жойга кириб ўтамиз» деб қолди. Машина катта йўл ёқасидаги узокдан улкан боғни эслатувчи дарахтзорлар томон бурилди. Дарвозага яқинлашгач, «Ёш алоқачилар» болалар оромгоҳи» деган ёзувга кўзим тушди. Ичкаридан болаларнинг қий-чуви ва қувноқ кўлгилари эшитилиб турарди.**

**Оромгоҳга 1984 йилдан буён етакчилик қилиб келаётган Муҳаммад Дониёрович АТОВЕВ бизга куйидагиларни сўзлаб берди:**

— Дам олиш маскани 1982 йили Бухоро давлат электралоқа корхонаси ташаббуси ва вилоят алоқачилари касабга уюшмасининг қўллаб-қувватлаши натижасида ташкил этилган бўлиб, 5 гектар майдонни эгаллайди. Бу ерда ёш давомида уч сменада дам олиш ташкил этилади. Ҳар бир сме-

## ОРОМГОҲ БОЛАЛАР ХИЗМАТИДА



нада 135 боланинг дам олиши режалаштирилган. Шу кунларда вилоят алоқачиларининг 144 нафар фарзанди дам олишмоқда. Оромгоҳга йўлланма нархи 5000 сўм бўлиб, унинг 70 фоизини вилоят электралоқа корхонаси, 30 фоизини эса вилоят алоқачилари касабга уюшмаси тўлайди. Шу боис ҳам соҳа ишчи-хизматчиларининг фарзандлари учун йўлланма текинга берилмоқда. Болаларнинг кўн-гилдагидек дам олишлари учун зарур буюмлар ва спорт анжомларини сотиб олиш мақсадида вилоят касабга уюшмаси қўшим-

ча 200 минг сўм маблағ ажратган.

Яқин атрафда жойлашган «Бухоро» жамоа хўжалиғи билан тузилган шартномага кўра жумма хўжалиғи оромгоҳни сут, гўшт, ёғ, мева-сабзавот, полиз каби қишлоқ хўжалик маҳсулотлари билан мунтазам таъминлаб туради.

Оромгоҳда дам олувчилар учун турли тўғараклар, иккита қизиқарли ўйинлар билан дастурланган компьютерлар, спорт майдончаси, чўмилиш ҳавзаси, видеозал, болалар истаган вақтларида ота-оналари билан (бе-

пул) гаплашиб туришлари учун телефон-автомат, кутубхона хизмат кўрсатмоқда. Бу ерда тез-тез қизиқарли тadbирлар, алоқачи фахрийлар билан учрашувлар, турли мусобақалар ўтказилиб турилади. Бухоро ва шаҳар атрофидаги тарихий ёдгорликларни кўриш учун саёҳатлар ташкил этилиб, болаларни кўгирчоқ театрига ва циркка олиб бориш тadbирлари режалаштирилган. Когон шаҳар маданият бўлими билан тузилган шартномага биноан эса ҳар уч сменанинг очилиши ва ёпилиши тантаналарида ансамбллар қизиқарли концерт дастурларини намойиш этадилар.

Оромгоҳ тарбиячилари Бухоро мактабларининг ўқитувчилари бўлиб, маориф бўлимлари тавсиялари билан, тиббиёт ходимлари эса соғлиқни сақлаш ташкилотлари тавсиялари билан ишга қабул қилинган. Оромгоҳда болаларнинг яхши дам олишларини таъминлаш билан бирга ёш авлодни жисмонан соғлом, маънавий баркамол бўлиши, она Ватанга меҳр-муҳаббат руҳида тарбиялаш масалалари асосий вазифаларимиздан бири бўлиб келмоқда.

**Тўлқин ЛУТФУЛЛАЕВ ёзиб олди, Бухоро вилояти**

## ЎҚИШГА МАРҲАМАТ!

Тошкент Алоқа коллежи 1997/98 ўқув йили учун ўқишга абитурientлардан ҳужжатлар қабул қилишни бошлади. Коллежда кундузи ва сиртки бўлимлар мавжуд бўлиб, уларга 9-11 синф маълумотида эга бўлганлар қабул қилинади.

Коллежда куйидаги  
Автоматик электралоқаси (9, 11 синф)  
Туман электралоқаси (9, 11 синф)  
Кўп қанали электралоқаси (11 синф)  
Иқтисод ва режалаштириш (11 синф)  
Бухгалтерлик ҳисоби (11 синф)

Алоқа линия ва кабел иншоотларини қуриш ва эксплуатация қилишни ташкил этиш (9 синф)  
мутахассисликлари бўйича кадрлар тайёрланади.  
Маълумотлар учун телефонлар: 41-19-80, 41-35-58.

**МАНЗИЛИМИЗ:** 700128, Тошкент шаҳри, Усмон Юсупов кўчаси, 70-уй.

«Хабар» газетасининг ҳар бир сонини мунтазам ўқиб борамак. Республикамиз вилоят, туманларида алоқачиларнинг олиб бораётган ишларидан, соҳа янгилликларидан газета орқали хабардор бў-

таъсирчан мақолаларни қайта-қайта ўқийман. Менга кўпроқ Шодмон Отабек, Раҳимжон Отаев (Отаули) каби ижодкорларнинг мақолалари манзур бўляпти.

«Хабар» газетаси жамоаси-

## «ХАБАР» БИЗНИНГ ҲАМРОҲИМИЗ

либ тураман.

Бизнинг туман электралоқа боғламаамиз ишчи-хизматчилари ҳар йилгидек 1997 йилда ҳам «Хабар» газетасига обуна бўлишди. Ҳамкасбларим «Хабар»ни олишлари билан оқ муталағга шўнғиб кетишганини кўп бор кўзатганман. Ўзим ҳам газетанинг 3-саҳифасида чоп этилаётган турли мавзудаги қизиқарли,

ни 27-июнь — Матбуот ва оммавий ахборот воситалари ходимлари куни билан табриқлайман. Ҳурматли «Хабар»чилар, касб байрамингиз муборак бўлсин, ижодларингизга барака!

**Аскербек АНБАРЖОНОВ, Сўх тумани электралоқа боғламаси ходими, Фарғона вилояти**

Муҳтарама ТУРКОЙ

# КУЛГУМНИНИҲ ЧЕХРАСИ ПАРДАЛИ

О, севгим!  
Қилдай қирқ жонимга  
Қирқта дор тиккан бир жаллод — сен.  
Ташнасен бир қошиқ қонимга,  
Бегона, девона, бир ёт — сен.

О, севгим!  
Қурбонинг мен бўлай,  
Майли ос, жабрингни дор этиб.  
агринга ол бир пас, сўнг ўлай,  
Интизор этгани зор этиб.

О, севгим!  
Майдалаб сабримни  
Ундайин элакдан ўтқаздинг.  
Билмадинг сен менинг қадримни,  
Мен сени... мен сени...  
Юрагим  
тахтига ўтқаздим.

Қақраган сой — дилим, меҳрингиз чашма,  
Ичмасман, қайсар ҳис бағрига босди.  
Бас, мени қийнаманг, ўлайин ташна,  
Ишончимни ҳаёт дорига осди.

Кўзимга термулманг, намдан йўқ нишон,  
Грагимга томар чаккиллаб ёшим.  
Меҳрингизни ичиб сақламасман жон,  
Бахтнинг қўли қисқа, силолмас бошим.

Яхшиси мен кетай, ғамларим олиб,  
Оёқ етмас жойга, кўз тушмас ерга.  
Ширин сўзларингиз қийноққа солиб,  
Жисмим ботиради қоп-қора терга.

Сиз мени кўнглимга ташламанг назар,  
Рухимни етаклаб борманг булоққа.  
Мен тўйиб... мен тўйиб ичганман заҳар,  
Бориб йиқиламан Сиздан узоққа.

Кўзларим тубига яширинди мунг,  
Қора кўланкаси из солар юзга.  
Мен ёниб куйлолма, туйғуларим гунг,  
Қизарган тилини босади музга.

Қалб совуб боради ҳою-ҳавасдан,  
Армоним юзига боқиб сарғайдим.  
Озод этолмадим ишқни қафасдан,  
Ўлгунимча энди мени қарғайди.

Севиб хато қилдим, хато қилди дил,  
Юрак — эрта кузда ҳайдалган дала.  
Орзум гули ҳидин йўқотди буткул,  
Куйилмоқда кўзу — кўнгулдан жала.

Аллох, нечун тошни дурдона этдинг?  
Сўнг, тошга дўндирдинг дурдоналарни.  
Қадрдон кишимдан бегона этдинг,  
Қадрдон айладинг бегоналарни.

Кўзларим тубига яширинди мунг...

Кулгумнинг чеҳраси пардали,  
Кўрмайсиз нимтатир ёшини.  
Сўзингиз майину, зардали,  
Кўзингиз сочади тошини.

Кўзимга тортилган чимилдик,  
Дард — келин, кўп узун сояси.  
Сўзингиз отилган бир милтиқ,  
Оҳ, қулар муҳаббат қояси.

Тошларга ноламни битаман,  
Гул босган сиз севган худудни.  
Мен кулиб, азобга тутаман,  
Ёмғирга айланган вужудни.

Кулгумнинг чеҳраси пардали...



• Мерос

Муҳаммад Содиқ ҚОШҒАРИЙ

## ЙЎЛ ЮРИШ ОДОБЛАРИ

1. Уйдан кўчага чиққан вақтда «Бисмиллоҳи таваккалту иллалоҳу валоҳавла вала қуввата илло биллоҳ» (яъни «худо номи билан таваккал қилдим худого, худодан ўзга ҳеч кимда куч ва қудрат йўқ») дейилади. 2. Йўл юрганда қадамни тез-тез ташламанг, ўртача қадам босинг. 3. Юрганда ёлғиз юришдан ор-номус қилманг. 4. Кўча лой вақтда бирор кишига рўбарў келсангиз, унинг либоси лой экан деб жирканманг. 5. Йўлда кўзни қадам ташлашдан узманг. Ҳар ёққа беҳудага қараманг. Ўзингизни ваъмин тутиб, қадам ташланг. 6. Йўлларда, хусусан бозор жойларда, одам кўп жойда ўзингизни эҳтиёт қилиб юринг. Агар икки киши кўнгилли суҳбат қилиб кетаётган бўлса, уларнинг орасидан кесиб ўтманг. Хусусан хотинларнинг орасидан юрманг. Бу макруҳдир. 7. Йўлда кекса кишиларга эҳтиром қилинг. Хусусан устоз ёки пир билан ҳамроҳ бўлганда албатта, уларнинг орқасидан юринг. Уларнинг изларига қадам қўйишдан эҳтиёт бўлинг. 8. Йўлда ҳамроҳларга диққат қилинг. Ҳамма дўстлар йўл юрганда балиқлар сув ичида юргандек юрсинлар. Илгари-кейин юриш кўнгилга келмасин. 9. Йўл устида бирор киши билан сўзлашиб турманг. Саломлашиб, тез ўтинг. Агар зарур гапингиз бўлса, бир четга ўтиб, сўзлашинг. 10. Йўлда ётган тошни олиб ташланг. 11. Йўлда кекса ва мазлум кишиларни кўрсангиз, уларга ёрдам кўрсатинг. 12. Кўча бошида бекорга ўтирманг. Мабодо ўтирсангиз, йўл ҳақини бажо келтиринг. Йўл ҳақи шуки, номахрамларга назар солманг. Саломга алик олинг, инсонларни иғво қилманг, уларни ҳидоят йўлига чақиринг.

— Сулланувчи, сиз олдин қандай айбингиз учун жазолангансиз?  
— Деворни бош билан тақиллатганим учун.  
— Қизик, ахир бунинг учун жазолашмайди-ку!  
— Тўғри, аммо у бош меники эмас эди.

— Дўхтиржон, — деди ҳамшира, — бешинчи палатадаги бемор ўзини жуда ёмон ҳис этапти.

— «Бемор ўзимни ёмон ҳис этаётган бўлсам керак деб ўйлаяпти» тарзида жавоб беришга одатланнинг, — танбех берди дўхтир.  
Эртаси кунни ҳамшира дўхтирга деди:  
— Кечирасиз, бешинчи палатадаги бемор ўзини улган бўлсам керак деб ўйлаяпти.

— Соппа-соғ бўла туриб тиламчилик қилишга уялмайсанми? Иш-лаш керак!  
— Ахир мен... Ишдан кейин...  
— Қандай янгиликлар бор?  
— Хотиним хиёнат қилияпти.  
— Йўқ, мен қандай янгиликлар бор даяпман.

— Эримга янги шарфим ёқмапти.  
— Унда алмаштира қол.  
— Хўш, эрларни қарда алмаштиришади?

— Эримга янги шарфим ёқмапти.  
— Унда алмаштира қол.  
— Хўш, эрларни қарда алмаштиришади?  
Йўлда болалар аравачасига бир кампир қизқиқиб қарали:  
— Ажойиб этизақлар экан. Ик-

каласи ҳам ўғилми?  
— Йўқ, фақат ўнг томондагиси, — деди аравача эгаси. — Чапдагиси — қовун!

Дарғазаб бўлган хотин эрига охирги шарт қўйди:  
— Тамом — ортиқ тоқатим йўқ, ёки мени денг, ёки пивони!  
— Сени десам, қанча пиво берасан?

Кутурган ит қопган бир одам касалхонадан даволаниб қайтгач, қоғозга нималарнидир ёза бошлади.  
— Нималарни ёзаяпсан? — деб сўради хотини.  
— Агар муолажа фойда қилмаган бўлса, кимларни тишлаш кераклигини ёзаяпман!

## ЯНГИСИДАН ЭШИТИНГ

**МУАССИС:** Ўзбекистон Республикаси Алоқа Вазирлиги  
●  
Бош муҳаррир: Шодмон ОТАБЕК  
**ТАҲРИР ҲАЙЪАТИ:** Абдувоҳид ЖУРАБОВ Шухрат ЖАББОР Анатолий КУДИНОВ

**Иzzат АХМЕДОВ** (Бош муҳаррир ўринбосари) Абдугани АБДУРАҲМОНОВ (Масъул котиб) Мирпўлат МИРЗО Рустам ҚОСИМОВ Ёқубжон ХУЖАМБЕРДИ Бобохон ШАРИФ

**ЖАМОАТЧИЛИК КЕНГАШИ:** Бўриовой АХМЕДОВ ОТАУЛИ Саидмаҳмуд АКБАРОВ Шоҳруҳ АКБАРОВ Меҳмонкул ИСЛОМКУЛОВ Тўлқин ЛУТФУЛЛАЕВ Тоғай МУРОД

## Лев ТОЛСТОЙ ТАШЛАНДИК

Бир камбағал аёлнинг Маша исмли ёлғиз қизчаси бор эди. Эрталаб Маша сувга бораётиб, эшик тағида латтага ўралган бир нарсани кўриб қолди. Челагини дарҳол ерга қўйиб, латтани оча бошлади. Шу маҳал кимдир чинқириб юборди:  
— Инга-а! Инга-а! Инга-а-а!  
Маша пастга эгилиб, жажжи чақалоқни кўрди. Чақалоқ баттар йиғлай бошлади.  
— Инга-а-а! Инга-а-а!  
Кизча чақалоқни авайлаб кўтариб, уйга кирди-да, унга қошиқда сут ичириб қўйди.  
— Нима кўтариб келдинг, қизим? — деб сўради онаси. Маша бийрон жавоб берди:  
— Чақалоқ, ойи. Эшигимиз тағида турган экан.  
— Қизим, шундоғам қашшоқмизу гўдакни қандай боқамиз? — деди ойиси ранжиб. — Мен бошлиққа кириб, ундан болани олиб кетишларини сўрайман.  
— Ойижон, озгина овқат ейди у, — деди Маша йиғламсираб, — илтимос, олиб қолайлик. Қўл-оёқчаси бежиримлигини қаранг, ойижон!  
Она чақалоққа қарадио ичи ачишиб кетди. Қизига розилик берди. Машанинг боши осмонга етиб, чақалоқнинг қорини тўйғазди, йўрғаклаб қўйди, улашдан олдин эса унга алла айтиб берди.

**МАНЗИЛИМИЗ:** 700000 Тошкент-35, А. Толстой кўчаси, 1.  
**ТЕЛЕФОНИМИЗ:** 36-36-42, 36-35-29, 44-29-09. ИНДЕКС: 64600  
ЖУМА КУНЛАРИ ЧИҚАДИ  
●  
Муҳарририятга келган кўлэмалар (2 оралликда, 5 бетдан ошмаслиги лозим) ва суратлар муаллифларга қайтарилмайди. Мақолалардаги фикр-мулоҳазалар, келтирилган факт ва рақамлар масъулияти муаллифлар зиммасидадир.  
Рўйхатга олиш №000011. Буюртма №Г-0409. 11213 нусхада chop этилди.  
Офсет усۇлида босилди. Бичими А-3, ҳажми 1 босма табоқ, ЎЗБЕКИСТОН РЕСПУБЛИКАСИ «ШАРҚ» НАШРИЁТ-МАТБAA КОНЦЕРНИ БОСМАХОНАСИ.  
Корхона манзили: Буюк Турон кўчаси, 41-уй. 1 2 3 4 5 6

